

Yaufungh Ndei Cizlieng Ndei Mingzdaeuz Ndei

校风好 质量优 声誉佳

——Lwnh Gij Hong Ak Bahmaj Yauzcuz Swciyen Bahmaj Cin Banzyangz Siujyoz

□bonjbauq gicej Yangz Lanzgvei



▲ Lauxsae hagdangz wnq daeuj gwnz ban song saw vah dingq goq.

▲ Bank ndaw yienh daihsam baez siujhagseng gangj gojgaeq Yahuengh doxdax.

▲ Hagseng yienj aen cezmuz eu fwen Bouxcuengh ndaej youh-siuciengi.



▲ Lauxsae ndaw hagdangz daengz ban song saw vah riengz hag Sawcuengh.

Bahmaj Yauzcuz Swciyen Bahmaj Cin Banzyangz Siujyoz youq baihsaebaek yienhsingz, liz yienhsingz 10 goengleix. Hagdangz youq 1935 nienz laebbaenz, lizsij raez, dwg ndaw yienh aen hagdangz cenzyizci Cuengh Gun song saw vah saedniemh siujyoz dog. Seizneix miz 15 boux gyau cizgungh. Ndaw hagdangz miz siujyozbu nem youwzbu. Siujyozbu miz 7 aen ban, 190 boux hagseng, ndawde 110 boux hagseng ninz ndaw hagdangz. Youwzbu miz banhung、banrauh、ban'iq 3 aen ban, gungh miz 105 vnz. Hagdangz ciemq dieg 6800 bingzfanghmij, gencuz menciz gungh miz 3060 bingzfanghmij; miz doengh laeuzrugninz 3 caengz ndeu, doengh laeuzsonhag 4 caengz ndeu, doengh laeuz lauxsae youq 3 caengz ndeu, doengh laeuzgwnngaiz hagseng 3 caengz ndeu. Gaenh bi daeuj, hagdangz banhhag diuzgen ndaej mbouj-duenh gaijndei. Dangqnaj, hagdangz moix aen gyausiz cungj cang dohmeizdij sonhag sezbei caemhcai qiep vangjloz.

Lai bi daeuj, aen hagdangz neix genhciz gij lohnaemj guhhong couhwdg “damqra、gaijndei、daezswng”, daengxcungq gyau cizgungh roengzrengz haengguh、laemxsim aeu cinbu, nyinhcaen guhhong, gyaenz son maij gyauq, sawj hagdangz baenz aen hagdangz lajmbanj “yaufungh ndei、cizlieng ndei、mingzdaeuz ndei”.

Ndaw hagdangz daegsaek noengznwd

Byaij haeuj douhung Banzyangz Siujyoz, couh raen doengh laeuzsonhag doiqnaj de baihgwnz miz song hangz saw(hangz gwnz Sawcuengh, hangz laj Sawgun),

couhwdg “aeu Cuengh guhcawj, Cuengh Gun giethab, aeu Cuengh coi Gun, Cuengh Gun cungj rox”. Byaij daengz gyawj laeuzsonhag, gicej raen gij cangsiengq henzciengz hix gig miz daegsaek, gwnz cien diep saeulajroq nem ciengz lajroq de diep miz gij singmeh、yinhmeh Sawcuengh. Aeu song saw vah sonhag guh cawjdaez, gij cangsiengq neix cau baenz le aen fwnveiz song saw vah sonhag.

Byaij haeuj ndaw gyausiz, gicej raen moix aen gyausiz cungj miz daegdiemj, gak aen gyausiz gwnz ciengz cungj anbaiz lai gaij dieg guh hozdung, gak gaij dieg cungj sij miz neiyungz mbouj doengz gaiqwnq, neix cau le hagsib fwnveiz gig ndei.

Boux yaucangj aen hagdangz neix Lij Sauvanj naeuz: “Hagdangz ngamq caepbaenz ciengzhumx nem vwnva cangzlangz, dangqnaj dou cungfaen leihyung gencuz ndaw hagdangz, youq gak giz coq cawjdaez neiyungz mbouj doengz, doenggvaq gingjdenj ndaw hagdangz daeuj baijok gij naemjap banhhag nem daegsaek vwnzva, hawj hagseng yawj nanz couh geiq haeuj sim gag rox hengz ndei.”

Daezsang lauxsae suijbingz cingzcik yienhda

Aen hagdangz neix yawjnaek beizyangj bang lauxsae suciz gig ndei ndeu, gujli lauxsae camgya yozliz daezswng beizyin. Yawjnaek hongsaeh vih lauxsae laeb vanz-ging soengset nem raeusim, hawj gyoengqde ndaej lai ndei guhhong nem hagsib, vih lauxsae laeb aen bingzdaiz gag fazcanj. Yawjnaek hongsaeh ra raen gij youhdenj lauxsae, gikfat lauxsae haiok

dungxcaiz, vixyinx lauxsae gaem-dawz gihvei, caemhcai doenggvaq yienhciegz yawj godangz sonhag, sawj lauxsae doxbeij doxgyaep aeu baenaj ndaej hwngfat. Moix haggeiz guh hozdung doxdax sonhag, cienzmienh daezsang gyauyuz、sonhag cizlieng. Gaenh geij bi neix daeuj, lauxsae sij lunvwnz ndaej swngj(swcigih) gaep ciengj 4 bien, si gaep ciengj 5 bien, yienh gaep ciengj 20 bien. Lauxsae ndaej gij mingzdaeuz ndei swcigih gaep miz 2 vnzbaez, yienh gaep 18 vnzbaez.

Beizyangj hagseng dwz-cangz banhfap lai

Cawzliux bingzciengz sonhag, aen hagdangz neix moix haggeiz leihyung ngoenzciet hung guh buek vwnzdij hozdung ndeu, lij gingciengz miz anbaiz dwk gawjbanh sijsaw doxdax、vehveh nem suhfaz doxdax、bauqfwngzcau sezgi doxdax、diuqcag doxdax、yienjgangj doxdax daengz hozdung. Aen godangz daihngaih hozdung lai cungj lai yiengh, gig mizyinx, neix hawj hagseng lai maij hag, beizyangj gyoengqde hwngfat dwzcangz, hawj hagseng maj ndei, hawj gyoengqde yienh'ok dungxcaiz. Gaenh geij bi neix, hagseng camgya gak gaep gohmuz cihsiz doxdax couh miz 48 vnz ndaej ciengj, neix hawj hagdangz mingz ndei riuz ndawbiengz.

2008 nienz daengz 2012 nienz, hagdangz laebdaeb ndaej Swciyen Yinzminz Cwngfuj hawj aen cwngheuh “aen hagdangz bingzciengz guenjleix maenh-ndei”, doengzseiz ndaej Swciyen Gyauyuzgiz hawj aen cwngheuh “aen hagdangz sonhag cizlieng maenhndei”.



▲ Gwnz ciengz rog laeuz-sonhag diep miz singmeh、yinhmeh Sawcuengh.



▲ Ndaw bangunghsiz venj rim ciengribaiz nem ciengricane.



▲ Lauxsae ndaw hagdangz nem hagdangz wnq youq baihnaj douhung hagdangz hab'ingj.